

社320
83



八旗通志初集卷之七十二



藝文志八

詩二

八旗臣工恭祝

聖祖仁皇帝萬壽詩

康熙五十二年

近體七言律十二首

謹序

內閣侍讀
學士臣

徐元夢

正白
旗人

臣聞書衍洛疇。福歸皇極。詩陳天保。頌起臣隣。

蓋有大德必壽之徵。積為百祿罄宜之應。欽惟

皇上。

人於通志卷之十一

睿哲挺生。

中和建極。

經文緯武。稟由卓絕之神姿。

蹈義履仁。覃自緝熙之懋學。敬

天以凝庥命。常勤監觀。欽若之思。法

祖而凜憲章。益表揚烈。觀光之美。

慈闈豫順。竭孝養於承歡。家範肅雝。衍貽謀於翼訓。誕

綿昌祚。永奠丕圖。

宮府協衷。首本一心之正。要荒在宥。洪濶萬里之遙。

凡用人體下之誠。及養士恤民之政。精明渾厚。

睿思總協於寬仁。易直和平。

至德要歸於惇大。蔚爲文治。輝雲漢而炳日星。赫作武

功。迅風雷而寧海宇。遠達四聰於無外。精研萬

象而弗遺。而猶

倣切宵衣。

咨勤日御。

巡方省俗。罷陳封禪之書。

恭已寧神。屏上尊崇之號。肫肫乎至誠不息。秩秩乎

芾祿無疆。是以日角珠庭。常潤

天容如壯歲。龍行虎步。彌增

乾健於耆齡。茲當春暉九十之辰。正屆

聖壽六旬之慶。億萬年之寶莢。日月常新。八千歲之榮

椿。春秋永茂。海晏河清之象。共樂雍熙。麟遊鳳
舞之祥。皆供符瑞。歡呼徧傳於率土。欣躍更極
於含生。臣元夢。一介菲才。三冬寡殖。謬廁員於
禁近。忝伴讀於

天潢。問學薰陶。久荷

生成之德。身名拔擢。全叨

臨照之恩。恭遇

鴻庥。尤深忭禱。東華陪仗。企賡泮奭之音。南極瞻星。敬

附升恒之祝。恭進

萬壽無疆詩一十二章。自媿辭指蕪淺。不足摭寫

高深。仰竇

宸聰。曷勝心悚。

萬年曆數屬吾

皇。道德巍巍冠百王。仁義根心恒迭見。圖書過日不曾
忘。

神功直與河山遠。

聖澤方同歲月長。天保至今何待祝。從來悠久定無疆。

其一

生安不廢

聖人功典學時開

講幄崇道統遙將義孔接。心源渾與性天通。羣言參錯惟歸一。庶物糾紛每折衷。共喜中和長建極。萬邦黎獻荷悒悒。其二

早從堯典得真傳。欽若惟知事

昊天。非但夙齋無戲豫。有時遊行亦精虔。穹窿不隔明

禋外。顯赫如臨對越前。祇爲流通成一體。人神

協應自年年。其三

三朝謨烈是鴻規。實錄分明家有師。欲擴前功還遠望。

每拈遺訓輒精思。卽今燕翼貽謀日。猶似艱難

創業時。定使

在天無一憾。乾乾從此到期頤。其四

寧壽朝朝瑞靄浮。承歡左右意常周。春遊勸駐花間輦。

夏宴扶登池上樓。膝繞蘭蓀供綵戲。盤堆山海

極珍羞。從知

聖孝綿昌運。風化而今已四流。其五

方略編成燦若陳。幾經整旅靖風塵。蕩平共凜

天威赫。指授全憑

廟算神。玉帳頻臨非黷武。金戈一到倏成春。蚩尤相繼

除消盡。永覩軒皇宇宙新。其六

披盡蘭臺萬卷餘。長從枝葉得根株。題來妙句皆風雅。製就鴻篇是典謨。書法渾包羲獻體。經箋一洗漢唐儒。菁莪自合人才盛。五紀文明徧八區。其七

清時仕路任分鑣。黜陟年年總自操。四海英賢歸電照。九州人物入鈞陶。孤寒

特拔垂新寵。閱閱兼收念舊勞。爲是無私均覆冒。欣欣爭戴

帝天高。其八

祥光東壁動昭回。

恩詔登龍爲急才。

聖壽還頒醕讌洽。春風早

賜選場開。枝含嘉慶遷鶯度。樹號長生集鳳來。佇看普

天桃李茂。盡陪松桂上林栽。其九

鳳樓高敞拂星河。魚鑰晨開吐太和。歲歲蠲租輸賦少。心心解網好生多。

綸音疊布三春暖。膏澤旁流四海波。最是堯民饒樂事。

康衢擊壤徧謳歌。其十

梯航萬國獻球琳。仗底歡聲動

禁林宇內盡應觀化日。人間誰不沐甘霖。仰瞻

聖德同

天德長喜

天心合

聖心鳥獸踴踴如助慶。也隨千羽舞春深。其十一

吾

皇高厚實難名。親炙多年結寸誠。觸事徧徵

元后德。逢時惟頌泰階平。卿雲繞

闕參差見。莫羨緣階次第生。億萬萬年長

御極。

九重應卽是蓬瀛。其十二

近體七言律四首

謹序

翰林院編修臣文

岱鑲白旗人

欽惟我

皇上聖神天縱。文武夙成。德懋業崇。河清海晏。紹帝王

而立極。邁今古而獨隆。欣逢

御曆之五十二年春三月。

萬壽六旬。池桃甫實。海屋初籌。天保定於無疆。朝賡周

雅。人騰歡而靡罄。野徧華封。四律恭成。

萬年誌頌。

繞樞電影月流虹。寶曆祥開屬

聖聰濬哲遠昭千古合欽文時仰萬方同星熒南極當宸幄鳥下西池集藥宮。

至德難名無以祝普天忭舞共呼嵩。

其一

神功莫麗慶無疆絳闕時懸奎壁光嶺外旌旗馴韎韐。

殿中禮樂重縑緗榮生苑樹春光繞瑞啟瑤臺

壽域長山海梯航稱盛事微臣何以效賡颺。

其二

鹿鳴歌罷聚羣仙鷺序隨班進錦箋竊擬升恒

如日月還期崇盛比山川鈞天自協簫韶奏宵

雅惟陳保定篇甲子初周春正永祥光歲歲繞

微躔。其三

帝星常映壽星明巷舞衢歌頌太平五福箕疇綿

睿算二多華祝紀長庚堯天浩蕩歡無極舜瑟薰和俗

已更自是

萬年膺寶籙。

宸居高處卽蓬瀛。其四

近體七言律三首

翰林院編修臣 索泰 鑲白 旗人

軒臺春色浩無邊一道

恩波沂八埏虎拜

彤墀時震嶽

龍飛上甲始周天。金桃瑞結三千實。

寶曆祥開億萬年。咸慶昌期多樂事。麟遊鳳舞

聖人前。其一

東鑠西鷓協氣通。雲蒸霞起競呼嵩。

九重天近恩三接。

萬歲聲長日再中。紫氣騰輝高北斗。青雲占律應東風。

海隅已自登仁壽。胞與猶然切

聖衷。其二

聲名洋溢遍遐方。壽域弘開

帝道昌。八表太平原有象。兩儀悠久本無疆。

湛恩世戴堯天大。化宇人遊舜日長。願繼衢歌隨率舞。

彤廷一進

萬年觴。其三

近體七言律四首

翰林院編修臣伊太鑲白旗人

中天景運慶無疆。甲子初周

寶曆長。萬國梯航趨殿陛。千官拜舞肅冠裳。冰桃雪藕

來蓬島。仙樂雲璈集建章。處處歡欣齊獻頌。恭

逢

聖節正春陽。其一

斗柄高懸恰向辰。和風三月物華新。羣黎徧德

歸

皇極。四野謳歌祝

聖人。惠澤多年霑化雨。蠲租徧地沐

恩綸。共歡曆數同天久。仙杏喬松萬樹春。其二

百花爭發柳含烟。紫霧祥雲敞

御筵。

仁壽榜開文治盛。期頤人集

聖恩宣。

聰明睿知高千古。日月山河祝萬年。鼓舞熙恬春晝永。

嵩呼願上九如篇。其三

紫殿歡騰動八紘。當年電繞慶雲生。中天日麗丹青

淨。南極星臨

玉座明。春暖

九重饒氣象。時和寰宇樂豐亨。小臣何幸蒙

恩澤。得侍班聯紀頌聲。其四

近體七言律八首 謹序

翰林院
檢討臣 覺羅逢泰 正黃
旗人

欽惟我

皇上。

道合璿圖。

祥開瑤籙

堯仁舜哲。集千聖之大成。

禹儉湯勤。懋百王之丕緒。銀河挽而甲兵盡洗。金矢
貢而玉帛胥同。至治無虞。民安物阜。太平有象。
海晏河清。允矣業邁古今。誠哉年齊宇宙。茲者
青陽開泰。

九重甲子方躋。華渚徵休。百祿昭明未艾。覲

天顏於咫尺。千官拜舞以呼嵩。仰

聖壽之遐長。萬國梯航而上頌。臣身依

高厚。運慶升恒。日永春臺。芝蓋捧紅雲影裏。天崇

壽域。海籌添碧落班中。雀躍同趨。葵衷曷罄。敢效九如

之頌。用稱

萬壽之觴。謹賦七言律八章。拜手稽首以

獻。

巍巍大德仰如天。久道深仁位育全。極以中和昭懋建。

心惟精一接真傳。瞻雲就日千祥集。頌嶽呼嵩

萬象妍。甲子甫開綿鳳紀。葵傾處處樂堯年。其

敬

天法

八旗通志 卷七十一
祖殫精誠尊養

慈闈本至情。玉膳自調供鼎實。

翠輿親捧導鸞聲。九州禹貢歡心愜。六服周官

孝治成。彩耀銀潢

恩下逮。親親次第及民生。其二

盱食宵衣不敢康。自今海宇日光昌。

省方問俗追虞夏。

賜復蠲租邁漢唐。道格上蒼回水旱。政先下土繪農桑。

德音時渙臻安阜。攸暨由來仗紀綱。其三

明良千載一時中。

寶翰箴銘勵翼同。賢否豫明安職業。貪廉無混作公忠。

轉圜幸際昌言會。育德還叨

壽考功。音矢卷阿叶梧鳳。治規二典代天工。其四

經文緯武總天威。

宸算風馳異域歸。瀚海

親臨波永息。龍沙

駕轉日增輝。載橐弓矢磨青碣。式廓封疆拱

紫微。作極聲靈真赫濯。古來史冊見應稀。其五

闡揚儒術振民彝。統竝

君師事事釐。禮重孔庭光舊典。祀升徽國展新儀。精深

律曆三才奧。剖晰詩書百氏疑。惇叙陳常徧時夏。此疆爾界日雍熙。其六

河淮效順達南陬。黃鵠無勞兆姓謳。不惜金錢煩

帝軫。每增堰埭藉神庥。三洲東去風漪靜。九折西來砥

柱收。輳集梯航獻符瑞。斂時五福在箕疇。其七

電繞虹流慶令辰。罄宜馘穀自天申。難名至治

尊

鴻號。猶厘虛懷下

鳳綸。叩

闕衣冠齊獻

壽。舞階鞞譯盡歸仁。欣逢盛事鵷班侍。稽首稱觥紀萬

春。其八

萬年頌

謹序

翰林院編修臣

阿克敦

正藍旗人

臣聞天行健而運資始之功。聖至誠而徵不息

之久。作君作師之寄。天以佑聖者佑民。大智大

仁之全。聖以壽身者壽世。故正位凝命。握符闡

珍。獨能參贊平成之績。主持運會之隆也。欽惟

皇上。

聰明睿智。

文武聖神。

統遐邇以照臨。

致中和而位育。

符乾道利貞之保合。

歛皇彝敷錫之康寧。享

五紀之昇平。光華復旦。慶

七旬之福履。壽考維祺。臣俯抱葵忱。仰慚燕賀。載稽

史冊。已比擬之無倫。欲矢頌揚。乃名言之莫罄。

敬述見聞。鋪陳萬一。

聖人首出。臨御八荒。用中建極。曆服綿長。函蓋兩大度。

越百王。自生民後。未有我

皇。昭事

上帝。肅雍以將。纘承

列祖。謨烈孔章。惟

聖至孝。錫類無方。惟

聖至仁。布澤彌張。敦篤本支。九族親睦。恩先自近。以受

天祿。人躋春臺。耆年多福。引養引恬。衣帛食肉。

惟

聖愛民。蠲租賜復。屢發帑金。頻賜倉穀。念切農桑。圖繪

畫十尺幅。惟

聖重士菁莪棫樸皇極敷言課其誦讀廣額加科人文炳郁。

聖世分理。

帝簡在廷有賢必進有奸必屏。

聖德如天刑期無刑赦過宥罪萬國咸寧惟

聖崇儒躬詣闕里表章正學榮及諸子惟

聖勤政河干親視安瀾底定自今伊始惟

聖弘文心傳精一道徹源流學兼作述制曆授時依聲

和律深究數元毫釐不失訓誥詩歌磅礴洋溢

雲漢之章奎文之筆。

御藻輝煌衆法俱畢惟

聖振武古莫與京逆藩蕩掃絕島澄清紅苗向化青海

歸誠有元遺裔種落胥平大漠窮民叩附邊城

乃有小醜自致王征六師

親統雲捲烟晴不殺爲武。

帝德好生宥彼餘孽未絕其萌背恩負固肆虐恣行爰

命貔虎凱奏功成烏斯進克。

睿慮籌兵。

聖壽無疆。

皇圖永固誕受繁禧克享遐祚三元頻紀六甲初度曠



原件短缺

P15

代未逢。休風廣布。微臣謏陋。幸附班聯。巍巍蕩蕩。測海窺天。太和翔洽。景運昭宣。民殷物阜。璧合珠連。貞元之會。周而復旋。如岡如陵。如日如川。稽首獻頌。億萬斯年。

近體七言律四首

萬壽欣逢景運昌。普天胥慶祝無疆。

聖文神武皇風遠。乾始坤成

帝澤長。福錫升恒增寶籙。春浮沆瀣進霞觴。卽今玉曆

初週甲。欲紀仙椿莫可量。

其一

舟車輻輳識輿情。野老依依戀

恩綸溥。異域常邀德化均。航海梯山來萬國。齊陳天保

祝

楓宸。

其一

日麗風和三月天。

禁城春色浩無邊。旌旗影動交仙仗。劍佩班齊敞

御筵。運啟萬年綿

帝祚。雲浮五色聚星躔。希聲遙奏簫韶樂。譜入南薰

聖德傳。

其二

率土齊沾覆載恩。

皇仁疊布徧乾坤。太平已快民財阜。

大賚猶傳

天語溫。瑞氣遠。籠南極。朗衆星。環拱

北辰尊。瞻雲共效華。封祝擊壤衢。歌徹

九閭。其三

小臣何幸近蓬萊。率舞歡騰獻壽盃。柱史肅儀
鵷鷺整。太常奏樂鳳凰來。青陽氣暖桃方熟。

紫極風清杏已開。惟願

皇基千萬載。敷天常荷

主恩培。其四

古體四言一首

翰林院庶
吉士臣

鄂爾奇

鑲藍
旗人

維天則清。維地則寧。維

聖一之。無爲而成。

聖人之生。光昭萬古。三才以參。五德以伍。祥紀慶雲。靈

應華渚。恭惟我

皇翼翼聖敬。撫茲下民。仁育義正。德實性成。道則天縱。

澤被萬方。厚生利用。在昔九土。僭濫猶多。滇南

漠北。戾氣違和。

王師戡定。永戢干戈。山祇效順。海不揚波。黃支烏弋。

靡敢爲他。於昭

聖武。丕顯

八旗通志卷七十二
皇猷克勤克儉。曰哲曰謀。

九重端拱。六合胥周。調元順化。莫知其由。夙夜維新。厥

惟詩書。周情孔思。舜典禹謨。為性為命。實別其

區。大哉乾元。用契其符。自彊不息。文德覃敷。彼

草有芝。鳥有鳳凰。凡茲動植。猶兆嘉祥。矧我臣

庶。日覲

恩光。華封有祝。維壽且康。繫昔聖神。制為甲子。為萬為

億。紀以六十。

聖人得之。永以御世。如環無端。周而復始。日之升矣。月

之恒矣。我

皇壽考。不以歲紀。凡在宇內。如物蒙春。匪曰頌祝。各獻

其忱。萬年

昌運。三月嘉辰。

睿算無疆。壽我斯民。

近體七言排律十六韻

翰林院庶吉士臣 春 山 鑲藍旗人

今古疇圖屬

聖明。羣工亮采。荷恩榮。治功獨運。恢弘業。道統相傳。集

大成。欽恤刑章。開一面。痼瘼民力。緩三征。施仁

時灑甘霖。潤照物。高懸玉鏡清。四國邊陲。烽火

靖。二儀法象泰階平。春秋省助年長稔。河海疏
排水不驚。寒暑無咨頌粟帛。銓除式序慎權衡。
氣含飛動鳴岡鳳。韻入風詩語禁鶯。五夜繙書
羅典籍。兩闡取士拔奇英。

龍旗出塞瞻天躍。

翠輦巡方夾仗迎。

駐蹕雲山搜澗壑。

端居樓閣愛蓬瀛。其旋會見千祥集。迪吉從教百祿盈。
自此無疆開曆數。從來不息配天行。臣民永慶
貞元會。中外均懷覆載情。渚欲流虹環瑞日。星

皆拱極接長庚。拜稽敬進升恒頌。微末難伸獻
曝誠。

近體七言律六首

翰林院庶
吉士臣

覺羅名昌

正紅
旗人

昌時三月物華新。繞電流虹叶令辰。聲動嵩呼
開雉尾。班齊華祝近龍鱗。赤光上燭千門燦。紫
氣平浮萬象春。莫葉全舒桃勝錦。總迎

丹陛擁靈椿。

其一

萬年枝暖蔚青葱。長映彤霞煥爛中。翡翠旌旗
排禁柳。琳瑯珂珮簇宸楓。

瑤圖凝極春秋盛。

寶曆延綿福履崇。岳牧拜颺懷

聖德。金泥芝檢紀洪功。其二

禧凝天保頌無疆。壽域弘開被八荒。瑞應貞符
彌海嶽。歡騰歌舞合梯航。候逢澹蕩和風扇。景
際休明麗日長。聽徹九霄稱

萬歲。年年齊奉紫霞觴。其三

咸羨韶濩奏鈞天。控鶴驂鑿集列仙。五嶽圖懸
丹闕上。十洲賦獻

紫宸前。星明南極連珠緯。序應東皇啟

御筵。縹緲琅璈諧寶瑟。卿雲影裏祝

堯年。其四

景運中天百福來。鴻鈞旋轉象昭回。恒春樹蔭
瑤階茂。長樂花隨綵仗開。浩蕩恩波涵太液。冲
融御氣靄蓬萊。

一人有慶歌昌熾。風動時雍徧九垓。其五

紫禁初聞曉漏聲。千秋令節賀昇平。天家慶洽宜春
苑。朝列歡臨不夜城。身惹

御香依玉案。

恩霑湛露捧金莖。小臣恭上升恒頌。願比葵心向日傾。

其六

近體七言律十首。謹序

鑲藍旗色勒佐領下編查 賚 鑲藍旗人

欽惟我

皇上。

宅中圖大。道高乎千聖百王。

開物前民。德被乎九州四海。千百世之鴻基永奠。羣樂中天。億萬年之鶴算綿長。新周六甲。律中姑洗。令值勾芒。合中外以來朝。三春日暖。罄臣民而登祝。

萬壽筵開。獻棗如瓜。殿上無非仙侶。催花作果。人間卽

是蓬瀛。凡此歌樂愷以慶尊親。際昇平而來遐邇。胥由我

皇上孝弟之至。格於幽明。歆享之誠。光乎俎豆。危微精

一。接堯舜之心源。中正和平。垂禮樂之盛治。

允文允武。

乃聖乃神。豈惟研覽乎萬幾。抑且包羅乎羣藝。染翰則龍蛇競舞。摛辭則風雨爭飛。玉帛通乎萬方。勲華被乎四海。

金戈所指。共看載道壺漿。

玉轡所臨。無不連城橐甲。致區域之外。測海水而來

歸。盡宇宙之中。沐膏雨而共戴。乃猶量其出而為入。薄賦寬徭。與其重而寧輕。恤刑慎罰。

恩霑率土。慶溢通衢。因

萬壽以開鄉會之科。桂樹與杏林並茂。徧九州而擴蒐

羅之典。鷹揚偕鸚薦同升。是宜曆媿乾坤。永一

十五國之侯服。

壽高山岳等萬八千歲於天皇。臣賚累世承

恩。空負含弘之廣厚。恭逢

大慶。難伸愛戴之微忱。謹稽首頓首。進

呈七言律詩十章。章首四字。恭列詩題。

萬壽無疆

太平

天子正當陽。瑞氣晴薰滿殿香。

花甲初周三月曆。瑤階爭進

萬年觴。史占五岳環

宮闕。樂奏鈞天引鳳凰。恭樂雍熙歌大有。華封願祝

壽無疆。其一

德侔天地

南山獻瑞彩雲中。

聖澤無私處處同。天地不言生大化。平成永奠荷

八旗通志卷七十二
神功。爐烟縹緲呈

端拱。仙仗依微漾曉風。自是

盛朝綿曆象。卿雲捧日射波紅。其二

明並升恒

魯頌賡歌舊有聲。照臨不息體天行。萬方莫不
尊親日。溥海咸深覆載情。五色賦成昭泰運。三
階露下燦金莖。歡娛此日情何限。長沐恩波荷

聖明。其三

孝隆繼述

嵩嶽鍾靈駕六鑾。山河形勝壯龍蟠。混同地闊

皇輿廓。長白天開景運寬。大孝莫如天下養。

聖人惟是寸心安。應知錫類恒無匱。海晏山寧歲歲看。

其四

尊崇祀典

聖王御極重明禋。綿亘千年

玉祚新。感格不徒憑灌獻。馨香自是格神人。凌晨香

靄金爐裊。射旭花明翠幌陳。叨沐

恩施逢燕喜。百靈效順媚芳辰。其五

文德昭宣

桃花燦爛柳花黃。獻壽同歌化日長。

文命誕敷超夏禹。

欽明克峻邁陶唐。波搖

天筆龍蛇動。字落人間翰墨香。

帝德難名今最盛。載賡雲漢上

君王。其六

武功底定

戎衣底定靜無譁。一統車書望裏賒。

口授六韜平閩粵。

躬親三尺淨流沙。迄今塞外來重譯。永此寰區仰日華。

大壽河山歸版籍。蠻荒萬國祝

天家。其七

恤刑頒赦

滿天花柳逞芳菲。長養無私日有暉。貫索星消

占瑞象。園扉草長荷生機。法於過處詳輕重。仁

寓威中考是非。

聖主恤刑全愷悌。鷄竿欣覩

詔頻飛。其八

普天蠲賚

蓬萊宮闕五雲屯。露灑天階未有痕。紫塞歡中

騰愛戴。黃垓頌裏樂生存。已資賑貸來

天府共慶追呼罷里門。中外從容歌

聖化。月明鷄犬靜江村。其九

萬壽開科

春雷起蟄日遲遲。正是人文變化時。桃杏均霑
上苑雨。芝蘭隨發九秋枝。

天顏有喜飛丹詔。盛世揮毫集鳳池。奎壁只今光列象。
百僚競獻

萬年詩。其十

近體五言律四首 謹序

原任翰林院 董 泰
庶吉士臣 旗 鑲黃
人

臣聞一人有慶。四海深介祉之思。萬福攸同。兆
民切躋堂之願。是以含哺鼓腹之世。人祝三多。
羔羊朋酒之篇。民稱萬壽。歡聲所感。大地皆春。
瑞景方長。普天共祝。欽惟

皇帝陛下。

瑞洽虹流。

祥鍾電繞。

垂衣致治。瞻雲日於堯年。

縉瑟歌風。布陽春於舜世。茲屆三春時序。恭逢

萬壽昌期。花甲方周。綿地久天長之曆。椿齡伊始。啓竹

八旗通志 卷七十二
苞松茂之基。統萬方之白叟黃童。並效嵩呼三祝。合九土之英才碩德。羣歌

天子萬年。臣等世受

國恩。身逢

盛代。頃因算學。特荷

掄收。恩波裒自天邊。異數邀於格外。尚方給札。草茅得進金塔。光祿傳餐。藜藿與嘗玉食。質慚謏陋。尚未報夫涓埃。志切賡颺。寧敢辭於弁鄙。雖井蛙管豹。莫能窺

聖德之高深。而蚓竅蟬吟。聊以展微臣之頌禱。謹拜手

稽首而獻詩曰。

大德超千聖。

皇猷邁百王。西池呈瑞彩。南極燦瑤光。花滿春方盛。筵

開日正長。太平綿曆算。寰海慶無疆。其一

五十二年春。初周花甲辰。數從今衍萬。

德與日俱新。多壽惟仁者。占星驗老人。長生權自握。悠

久撫斯民。其二

萬國稱觴盛。嵩呼倍往年。祝堯君德峻。歌舜日華鮮。松柏長春頌。岡陵介壽篇。誰能名蕩蕩。不冒本如天。其三

雲物呈祥日。歡騰紫陌周。霞觴稱

萬歲。金鏡頌千秋。有慶人人樂。無疆處處謳。微臣恭獻

祝億載。沐弘庥。其四

近體五言律八首

原任翰林院庶吉士臣

杭宜祿

正紅旗人

景運當陽日。

皇仁大暢時。祥雲霏

鳳闕。淑氣繞

龍池。斗拱三山秀。風迎九節枝。臣民齊頌祝。天地樂

無私。其一

聖天原一德。

帝祚自遐昌。區宇烟雲合。人間日月長。欣騰迎舜日。拜

舞捧堯觴。遠近籌添獻。春花繞

殿香。其二

日暖圖書燦。天清象緯申。謨猷超百代。綱紀耀

三辰。郁郁

龍編煥。翩翩

鳳藻新。川原增錦繡。率土慶長春。其三

睿算天弧拓。

皇威四海通。朔南均化育。梅柳共春風。

德沛聲光振。

恩深甲冑雄。太平當此日。萬代樂成功。其四

盛世掄才廣。中天雅化成。石渠弘壽紀。

金殿重科名。日暖蘋魚躍。秋香月桂生。車書來萬國。

樂愷識

皇情。其五

世泰陰陽順。春溫萬物遊。

詔蠲十五國。

恩溢百千秋。芳甸蒸雲暖。遐荒戴露周。大哉

皇澤遠。長與漢河流。其六

寶曆承乾運。春深醞太和。共知椿不老。從此海無波。

化洽生成久。

恩流品彙多。天心同

聖德。浩蕩樂賡歌。其七

華渚流虹遠。

君恩大地寬。卿雲恒作瑞。碧海永迴瀾。慶自

一人見。光同兆姓看。萬邦登壽域。歌吹滿長安。其八

八旗通志初集卷之七十三

藝文志九

詩三

八旗臣工恭祝

聖祖仁皇帝萬壽詩

七言律四首

進士臣

遲之金

正白旗人

大統躬承寶曆綿。巍巍

帝德竝堯天。樓臺海市烟氛靖。桃李春風雨露妍。百世

皇仁深覆載。萬年景福奠山川。

聖人有道應多壽。四海謳歌叶管絃。其一

海宇欣瞻瑞氣融。臣民拜舞共呼嵩。八方長養
春風暖。萬彙昭蘇。

聖澤洪。苑柳都依

丹陛綠。宮花齊傍

御筵紅。陽和六合皆歡忭。永祝

長齡並昊穹。其二

三月鶯花滿帝京。山光遙映玉河清。日迎劍珮

金門曉。雲拂笙歌綵仗晴。南極星輝甘露降。西

池仙集瑞芝生。已同民物登仁壽。願竭葵衷奉

聖明。其三

璇宮建極喜當陽。壽域弘開景正芳。柳媚花明千色

錦。鳳儀獸舞萬年祥。

恩周大地書金鏡。樂奏鈞天進玉觴。下士叨陪鵷序末。

拜颺長誦九如章。其四

七言律四首

進士臣

覺羅吳拜

正紅旗人

六龍天位正時乘。奮武揆文景福增。五十二年勲赫奕。

百千萬禩道恢弘。羣看瑤圃仙桃熟。共祝

皇圖化日升。民物並躋仁壽域。箕疇歛錫慶休徵。其一

大德從來享大年。我

皇受祿更超前。梯航萬國供琛賫。燈火千門奏管絃。簇

八旗通志 卷七十三
簇朱纓趨

玉陛煌煌仙饌列瓊筵。歡聲恰共春雷動。祝嘏先賡

天保篇。其二

六符光潤泰階平。况復三春品物亨。九奏樂和
開鳳展。百花春暖拂龍旌。欣逢華祝三多日。慶
衍嵩呼

萬歲聲。衢室一樽同獻壽。如天如地擅鴻名。其三

垂衣致治邁軒唐。

寶祚珍符竝古皇。金母西來呈瑞氣。木公東至現祥
光。椿齡詎以春秋計。莫算初看歲月長。拜舞幸

陪鵷鷺後。稱觴

萬壽祝無疆。其四

五言律四首

監生臣 博爾和

為頌

聖人壽。賡歌萬國同。普天瞻麗日。大地暢條風。氣近西

山紫。雲連北闕紅。羣生霑化育。咸在太和中。其一

帝德隆今古。車書四海同。祥光生

黼座。仙酒晏春風。上苑柳舒綠。瑤階花映紅。稱觴當此

日。喜氣徧寰中。其二

聖主無疆壽。惟天乃可同。

九重施化雨。八表被仁風。瑤草承春綠。琪花向日紅。抒誠齊獻祝。遙拜五雲中。其三

重譯梯航至。歡呼萬里同。惟茲孺慕意。益見

聖慈風。樂奏鈞天盛。霞凝仙仗紅。小臣榮幸甚。拜舞百

官中。其四

五言律四首

舉人臣 穆成格 正白旗人

禹甸山河壯。虞廷玉帛將。

一人真有道。

萬壽慶無疆。蕙茝香三月。冠裳集四方。誰言山海遠。此

日共梯航。其一

龍旗輝曉日。鳳管叶鈞天。鵠立千官侍。鳧趨百

職宣。獻來金是鑑。撤去燭成蓮。共快瞻

天近。歸攜滿袖烟。其二

羣黎欣化日。

聖主鼓薰風。大有頻年慶。輕徭是處同。

賜酺真額外。

恩賚自宮中。厚澤淪肌髓。含哺頌

帝功。其三

盛代崇文治。

熙朝愛士深。杏花紅照騎。柳色綠霑襟。天上星辰燦。人

間沆瀣斟。小臣叨世澤。拜手罄葵忱。其四

五言律四首

監生臣 穆世泰 正紅旗人

暘雨欣時若。春和化日長。

一人宜景福。萬象自輝光。雲物天開瑞。岡陵地獻祥。永

言綿曆算。

大德壽無疆。其一

賡歌盈

帝里。佳氣徧

皇州。不盡山川色。無窮天地流。萬年開

寶曆。五福衍箕疇。海屋多瑤算。初添第一籌。其二

聖德齊天地。山川共効靈。榮光瞻

黼座。春酒介

嵩齡。象舞陳

丹陛。韶音奏

大廷。八方同獻祝。萬載樂清寧。其三

盈廷稱

萬壽。拜手頌無疆。北闕清光近。南山紫氣長。瑞凝芝草

秀。花發玉堦香。歲歲逢華祝。承

恩正未央。其四

五言律四首

監生臣 余 掄

萬國慶咸寧。遐哉

帝德弘。瞻雲欣共覩。就日喜同登。香氣衣冠襲。歌聲

輦轂騰。頌揚情未已。拜手祝升恒。其一

春光綿

寶曆。

聖壽正無疆。禹甸和風暖。堯天化日長。宮桃初綻葉。御

柳早含芳。抃舞

丹墀下。賡歌樂未央。其二

帝德乾坤永。歡聲遍九州。

恩綸常播遠。

惠澤每旁流。桃熟三千歲。椿榮萬六秋。臣民同獻祝。海

岳作觥籌。其三

紫微光北極。景運啟東皇。

德共乾坤大。

壽同天地長。

九重端袞冕。萬國盡梯航。拜舞

彤廷下。嵩呼祝

聖王。其四

五言律二首

教習進士 覺羅吳拜 正紅旗人

一人長有慶。六甲賀初周。瑞景蒼龍幄。仙韶彩鳳樓。嵩

呼盈列服華祝徹遐陬。海屋論綿算。頻添萬萬
籌。其一

瑞氣三辰協。昌期萬福同。

體元行不息。敦化道長充。壽域開堯日。春臺播舜風。龍
文五色鼎。

聖曆本無窮。其二

七言律二首

教習進士 三 格正白旗人

玉觴齊介

九重春令節。觀光慶典新。瑞叶祥麟遊上苑。歡隨儀鳳
拜

楓宸華封徧效三多祝。箕範長兼五福陳。從此萬年膺
百祿。恩波累世戴

皇仁。其一

擊壤喧闐聽遠謳。九區同慶絳虹流。晴光乍向
采恩拱。瑞靄高臨藻火浮。輦路共球來萬國。軒
庭

寶曆誦千秋。鈞天仙樂聞何處。應有青鸞集鳳樓。其二

五言排律十首

謹序 舉人臣 劉嵩齡鑲白旗人

臣聞兩儀之大惟君。合天地生成之撰。五福之
一曰壽。得乾坤清淑之全。歲以衍而彌增。業高

八旗通志 卷七十三
千聖者。年高千聖。嘏以純而永錫。德冠百王者。齒冠百王。敬陳三祝之詞。恭效九如之詠。欽惟我

皇上。

一人有慶。

萬壽無疆。道雖逸而勿休。肅又哲謀。統貫於歲月日時之內。心自強而不息。剛健中正。直超於元會運世之前。備

聖德之淵深。獲

帝心之眷注。固已丹文綠字。天頒不老之符。金簡琅函。

地出長生之籙矣。乃猶

聖不自聖。安益求安。常存兢業之心。永底邳隆之盛。湛湛九天膏雨。卽爲益壽之醴泉。葱葱萬里桑麻。盡是呈祥之芝草。斯蓋唐虞而下。未能多際之昌期。抑亦漢唐以來。無由偶見其盛事者也。乃者昭陽建歲。辰月當春。計膺圖握寶之長。則五十已踰其二。溯貫月流虹之始。則六十正值其全。天皇之紀萬八千。始基之矣。封禪之代七十二。莫能及焉。於是四海謳歌。九州鼓舞。指南山而獻頌。歡聲遙答。夫舜琴。斟北斗以稱觴。喜氣

徧浮於堯酒。天庥滋至。幸值斯時。物類咸亨。欣逢此日。臣草茅賤士。章句庸流。家受

國恩。叠昇一方之寄。名登鄉榜。久叨三物之榮。茲因代父以瞻

天。敢不矢歌而祝

聖。敬擬唐人聖壽無疆詞十章。上呈

睿覽。聽韶音之嘹亮。願隨百獸以趨蹌。仰魏闕之嗟峩。

樂共九苞而抃舞云爾。

道洽時逢泰。人欣日麗中。一元春浩蕩。萬象早

昭融。璿玉三辰合。權衡八表同。普天尊正朔。大

地徧薰風。已慶貞符應。遙看淑氣通。歡呼稱

聖壽。直欲徹蒼穹。其一

帝德符元化。

宸心契穆清。壽從無逸得。政以有恒成。兢業膺多福。憂

勤致太平。功高原不宰。道大轉難名。寶儉常居

約。存仁本好生。海隅欣丕冒。熙皞世咸亨。其二

地比恩膏厚。天同曆數長。和平皆道德。豐稔卽

貞祥。化俗歸忠厚。安人迪吉康。登三咸在運。畫

一自成章。侯甸車書合。梯航玉帛光。風行兼日

出。稱

壽盡來王。其三

典學周終始。單心本緝熙。鐘鏞諧律度。金玉合
威儀。綸出

親揮翰。經成自吐辭。昇疇重夏禹。畫卦又庖羲。語默爰
兼象。方圓矩共規。

壽高由德劭。天爲作

君師。其四

解作千家雨。升回萬國春。祥刑歌

帝德。偃武頌

皇仁。飢溺真由已。痾瘵若在身。選租蘇下里。貸賦恤窮

民。戶有含飴叟。衢多鼓腹人。從今祈

聖壽。億載更如新。其五

詢岳同虞帝。掄才闢四門。涉林求梓杞。剖璞出
瑤琨。霧變南山豹。風搏北海鯤。有文同漢倬。無
語不春溫。羅人咸知德。珠遺亦感恩。作人逢

壽考。聯袂祝天閭。其六

參贊謨猷合。經綸宥密全。

一身兼作述。大道備高堅。心法傳欽允。神功契廣淵。勞
常甘夏樞。愠欲解虞弦。休恤籌千載。艱難計萬
年。九州咸引領。祝壽願瞻

天。其七

朗日含王宇。明星受帝圖。堯階通閬苑。禹室接蓬壺。瑞色龍樓綵。晴光貝闕珠。卿雲分象緯。和氣鼓鴻鑪。不借三珠樹。寧須九節蒲。萬年占

聖壽。驗取泰階符。其八

御握祥烟啟。春旗湛露開。鳳從丹穴出。麟自碧山來。座對千秋鑑。筵陳

萬歲盃。天中聽簫鼓。海上見樓臺。紫氣呈星象。青雲映斗魁。歡聲傳合殿。拜舞沸如雷。其九

金波明鶴禁。玉宇接龍樓。物色三春麗。

天齡六甲週。時平瞻玉燭。祚永奠金甌。瑞藹明初浥。香

烟密欲浮。元芝綿歲月。碧樹歷春秋。早識滄溟

外。應增壽屋籌。其十

五言排律一首

謹序

舉人臣

博

山

鑲紅旗人

伏思至誠首出。定享遐齡。大聖開天。必臻眉壽。

蓋惟天眷德。於焉申錫無疆。惟德動天。固爾貞

祥誕集。龍河北瑞。乘寶籙而運啟中天。華渚呈

休。握乾符而德隆上古。黃雲覆蓋。金篋籌添。紫

電繞樞。皇圖祿永。稽之在昔則皆然。考之於

今而益信。伏惟我

皇上。

仁義中和。

聖神文武。孺慕本乎至性。色笑承歡。禮儀篤於孝思。恭順將志。仰

一人之至德。仁讓成風。生萬國之歡心。惇庸化俗。若乃學兼六藝。道貫三才。默契一畫之先。理精河洛。會通萬物之本。體順陰陽。集堯舜禹湯之大成。宏開道統。晰孔孟程朱之秘奧。洞徹心傳。是以崇禮素王。標人道之歸極。顯褒徽國。定儒宗之指南。姬代前賢。胥蒙

曠典。宋家往哲。並被

隆恩。况乃

臨朝聽政之暇。卽事觀書。行鑿清道之餘。總不釋卷。博

極瑤編萬軸。赤水珍流。精融金簡千函。丹溪韻寫。涵滄溟於墨浪。日爛紅霞。蹴衆有於詞壇。花翻白雪。出經入史。氣孕宮商。屹雅揚風。調鏗金石。况夫條貫精粗。旁通理數。啟霞莊而璿璣齊。政蟻磨迎衡。披月館而寶曆授時。蠶功順序。坐虬牀而括宇宙。術密容成。憑鶴几而運鈞陶。法精隸首。以至六書獨步。烟雲縹緲。毫端八法相

八旗通志 卷七十三
生龍鳳盤拏腕下。鵠綾捧去。魏班傳作奇觀。翠
錦收來。甲第藏爲寶玩。於是雅化作人。咸願策
名於翰墨。闢門造士。爭思奮跡於風雲。花淹藻
榜之期。荆無棄璧。名溢筭班之額。海乏遺珠。尤
以士貴力行。學期知本。著文戒飭。
天語叮嚀。勒石垂觀。

宸衷愷摯。人文煥矣。大德昭焉。若夫六軍電激。塵掃滇
黔。七萃霆驅。蕩平閩粵。餘烈震於鼉室。島嶼澄
清。偏師指於蠻鄉。渝徭底定。旗翻豹尾。風清瀚
海之波。星落旄頭。霧霽天山之月。尉賓突厥。接

踵稱臣。鐵勒呼韓。歸心欵塞。爰乃告功
陵寢。有事

郊壇篤敬。凝承非徒鬱鬯。駢犧之薦。追思繼述。不僅馨
香幣帛之文。三禮初成。翠靄氤氳於

寶籙。九韶誕奏。仙音繚繞於天街。於是華嶽發弓。桃
林散甲。雨無破塊。海不揚波。渝舞狼歌。爭來頌
德。寶幪火毳。咸樂輸誠。海隅日出之鄉。度索攀
籐而至。沉毛反歌之地。梯山航海以朝。獻土產
之恢奇。旅葵白雉。貢篚筐之靚麗。鮫織龍琛。舟
車所通。盡稟皇輿之化。霜露所墜。不遺赤縣之

封蓋

文德如彼。而

武功如此。所謂筆不勝書。史難盡載者也。乃猶頻咨州
收。詢事考言。日親廷臣。觀風問俗。詠豳風而慮
周田事。讀無逸而念切民依。輕徭之

紫詔頻頒。薄賦之

丹書屢下。驕陽火烈。禱六事而霖雨應期。瑞雪花飛。慰

三農而

天顏有喜。約槐衢之典。沐浴春臺。舒棘序之風。嬉遊壽
域。澤周貢舶。遠人就日以抒懷。羨減嵯征。商竈

瞻雲而灑志。功高排決。迎神紘而鼉浪安瀾。績
懋隨刊。駐乾絡而鯨濤底定。書屏察吏。事事爲
此羣黎。發粟賑飢。念念不忘衆庶。寰中雨潤。域
外風施。夫賑恤一隅。雖詩書所習見。而蠲租萬
國。豈開闢之曾聞。河內河中。衢歌巷舞。遼西遼
左。野怵塗吟。魯析聞邾。神絲被野。吳雲入越。遺
種棲田。三秦饒板屋之歌。八閩多茅簷之樂。荆
楚之烟波成市。吠犬宵恬。梁益之茶笋饒資。里
門夜闢。山村野店。開襟當解慍之風。川飲谷居。
披戶煦燭幽之日。澤周動植。化洽胎萌。於焉卿

八旗通志 卷十三
雲生嘉秀出。千祥集。百福登。物阜民蕃。乃天心之眷顧。歲和時序。實

聖德之休徵。玉磬金雞。曷能媲美。丹芝紫萼。不足相誇。今也和風布暖。麗日當陽。南極輝煌。北辰朗耀。九天閭闔。開宮殿。

聖壽無疆。萬國衣冠。拜冕旒。

一人有慶。椿齡正茂。花甲方周。太液晴波。錦簇仙桃。萬樹上林。烟碧香搖。紅杏千枝。蘭坂晨趨。酒浥青城之綠。鳳筵高列。羹傳桂圃之香。帝子鸞翔。嵩呼濟濟。天孫鵠舉。華祝蹒跚。玉葉金枝。躋金門

而拜手。鴛班鷺序。望貝闕而稱觴。綺綴花懸。快睹臣民愛戴。香飄霧幕。欣瞻遠近謳吟。臣草茅賤士。駑劣無知。幸際

盛時。恭逢

大慶。既同士庶。霑濡養育之恩。願竭愚蚩。祝禱神明之德。

華渚流星日。姚墟啟

聖時。九陔縈瑞靄。三正曜光曦。紫電臨雙闕。黃雲羃九達。乾符標斗極。寶籙奠坤維。祿永申多益。籌添集慶宜。無疆歌孔固。廣運頌維祺。久道成神化。

鴻基擴遠規。論功超舜禹。比德邁黃羲。陟降誠相洽。凝承事克祇。敬。

天供鬱鬯尊。

祖奉宗彝。孺慕根天性。仁。

親篤孝思。兩宮歡愛洽。一體湛恩滋。德業洋無間。詩書念在茲。亶聰惟默契。成務本生知。直剖危微訓。精探爻象辭。性天通秘密。道法悉宗支。闡奧宣前烈。傳心闢後疑。孔門尊聖範。朱氏表賢綦。盛典光璀璨。璇題絢陸離。

宸衷何亶亶。

聖學益孳孳。錦帙披芸閣。瑤編映寶帷。百厨羅玳瑁。萬

軸積琉璃。淹貫三才蘊。宏通七略奇。淵涵充浩博。泉湧寫清漪。吟詠賡歌賁。文章謨誥垂。行間聞告戒。字裏見疇咨。珠玉霞流燄。珊瑚翠滿枝。望洋深莫擬。觀海杳難窺。誦讀時相勸。觀摩俗轉移。薰陶兼貴賤。砥礪及氓蚩。絕赫文明盛。聲靈武略施。蜀鯨翻渤海。閩寇觸藩籬。聿定殲渠策。爰興伐罪師。公孫撻斧鉞。餘善仆鞭笞。螺女恬風浪。蠶叢闢嶮巇。三巴收脫兔。百粵伏張鴟。島嶼胥柔輯。關河盡撫綏。連城忻擊壤。比戶暢

彈絲德化儼風播。威靈燿電馳。方區爭效順。醜類敢相持。蜂蠆針思逞。蠅蚋背欲搯。雪山飛羽檄。狼望指星旗。球斧飄文豹。

鸞輿駕赤螭。令嚴申密訓。軍入誠輕齎。邀擊紆籌策。成擒決指揮。崇朝清漠北。永世靜邊陲。德盛恢鴻緒。功高拓聖基。瞻雲來大食。就日走波斯。貢遠南溟外。賓從北海涯。輸誠由若木。懷服抵崦嵫。王會圖難徧。方輿記或遺。謳吟同遠邇。覆載準高卑。和氣周繁植。仁風及動歧。如天真蕩蕩。保泰倍孜孜。諭議親儒雅。咨詢到碩耆。問風開

紫閣。講藝集丹墀。優禮崇勲舊。隆恩答鼎司。操觚登棧樸。貫札課熊羆。匡直先身率。陶甄亟耳提。增科收拓落。覆試振頽靡。

恭已勤多務。垂裳勵百為。宵衣循著令。晷日動如期。庶績時寧矣。羣黎日念之。女紅勞紡織。農力恤耘耔。救弊恩常洽。蠲租算不訾。五聽寬酷急。三刺去偏私。律轉春回谷。刑輕澤潤脂。嗟征全減羨。關市薄收貲。考績懲貪墨。書屏杜蔽欺。救荒荒有備。禱雨雨相隨。井養知淪髓。乾施覺切肌。千倉宣積貯。四載繼胼胝。故老承榮賚。孤貧仰

惠慈。羈臣咸寵錫。貢舶亦酬資。平壤旋遭饑。呼
韓忽游飢。漕輸全凍餒。陸挽濟窮羸。綜理時調
燭。旁搜盡探驪。乾坤齊玉律。躔次準銅儀。坤軸
諧周算。宮懸叶密推。九章窮肯綮。八法析銖錙。
玳管揮柔翰。桃花展陟釐。盤拏光的爍。飛灑勢
淋漓。一貫融今古。多能罕等差。管窺慙末技。蠡
測愧蕪詞。節序當春月。天人介壽眉。堯封開淑
景。禹甸布雍熙。長樂花添色。恒春樹溢姿。勾陳
珠影燦。華蓋瑞光披。輦路鋪瑤靄。爐烟裊玉蕤。
寶筵陳貝闕。桂醕薦蓬池。金穴呈瓊液。天潢泛
羽卮。龍樓趨望散。鴛砌拜臯夔。太史書雲莢。儒
林咏赤芝。期門環綺閣。仙仗護文椀。慶徧籃輿
老。歡滕竹馬兒。臣民喜浩浩。中外樂怡怡。伏忖
誠如芥。微忱竊比葵。蟲鐫抒蜿蜿。獸舞效儻儻。
願繼崆峒祝。興歌保定詩。南山齊

聖壽。北海頌鴻禧。

宸章日月光。豐碑看燦爛。曲柄覩輝煌。至德隆師表。彝倫奉典常。靈著占地寶。古檜紀年芳。覽勝勞清問。程材集講堂。恢恢儒業重。奕奕帝勲長。心法承河洛。明禋邁漢唐。金甌知鞏固。咸仰廟謨昌。

近體五言排律一首

日講官起居注 翰林院侍講臣 覺羅滿保 正黃旗人

振古傳心法。尼山集大成。當年垂教澤。此日際文明。洙泗淵源合。唐虞道統精。金絲諧壁奏。詩禮著堂名。神檜迎

仙仗。靈著映翠旌。停輿

親步入。釋奠禮躬行。

翰藻隆千載。輝光溢兩楹。龍蛇銀管動。鸞鳳彩毫呈。蓋展雲霞色。碑流玉石聲。宮墻瞻美奐。草木被餘榮。史冊真希覲。臣僚並效賡。感

恩非一姓。率土荷

皇情。

近體五言律十首

謹序 翰林院文 岱 鑲白旗人

臣聞崇儒重道。廼治世之宏規。釋奠臨雍。為帝王之盛業。溯自羲軒而下。洎乎書誥以還。心傳

八旗通志 卷七十四
如一。俟後聖而不疑。斯文在茲。推孔子爲尤盛。廟崇曲阜。恒慨思夫。玉振金聲。禮用太牢。爰致祭於尼山泗水。漢室之特典猶存。宋代之親臨足紀。自古而然。於今爲烈。欽惟我

皇上御極之二十有三年。東巡幸魯。議禮至隆。敷文益遠。

輦駐奎文之閣。見若羹墻。步登闕里之堂。肅茲拜獻。旣仰瞻乎至聖。復旁及於四賢。發道德之幽光。不惟犧象雲雷之末。闡性天之奇奧。亦觀禮器車服之陳。畫棟雕甍。光同雲日。唐鐫漢篆。勢若

蛟螭。於焉一時寄覽。四字加褒。翰墨流芬。何異銀鈎鐵畫。錦箋耀彩。恍如綠字赤文。自一世及萬世。傳之勿替。以身表作師表。沿及無疆。棖桷騰輝。還留翠蓋。簷楹挾藻。兼歷講堂。覽懷英之篆。往蹟可稽。閱杏壇之碑。石刻宛在。千尋古檜。賦成雲漢之華。丈六靈著。式表孔陵之異。固世守之得以常綿。而輸將之可以勿事者也。更若昌平勝地。孔里故居。患堂廡之摧頽。出儲胥而丹雘。竹苞松茂。規模備美於當年。鳥革翬飛。氣象增榮於昔日。或持絳節以飄颻。盡玉葉金枝

之秀。或捧丹書而璀璨。皆左輔右弼之賢。廟貌日新。文明大啟。推恩廣矣。錄其苗裔。遞及周程。張朱立制。昭然表乃前賢。奚獨顏曾思孟。是以纂茲盛典。肇自乙丑之年。告厥成書。迄於辛巳之歲。彙爲卷帙。揚此

聖謨。昭日星河。嶽於行間。前賢堯。後賢舜。不啻與二帝爲三。振金石鐘鏞於字裏。禮知政。樂知德。自可等百王而上。臣颺贊莫由。舞蹈靡已。敬成十律。用賡九歌。

聖主修時邁。鴻儀定秩宗。道尊孔氏學。典茂漢皇風。翠

蓋臨洙水。嵩呼震魯宮。斯文千載賁。曉色正曛

隴。其一

步自奎文閣。言登闕里堂。竚行儀肅肅。文告頌洋洋。踰躋皆鷓鷯。笙歌繞鳳凰。一時恩意普。前後仰

龍光。其二

詩禮堂貽久。當陽御講筵。修齊揚祖訓。彖象闡義傳。瑞映龍文麗。祥分鳳藻妍。大寮欣侍從。

天語更煌然。其三

舊得傳真像。今還籠碧紗。式瞻道貌古。深憶講

八旗通志 卷一十四
壇華紫氣臨朝旭。文光燦晚霞。

至尊親拂拭。奕禩重褒嘉。其四

往蹟知咸在。因觀犧象餘。神傳道子畫。贊出米顛書。

御覽崇朝徧。

皇情此日舒。表揚四字後。揆藻滿庭除。其五

黃蓋方崇廟。佳城復薦卮。榮分廬外楷。靈動墓前著。至道古不泯。斯文今在茲。弘膏綿世澤。隨處沐恩施。其六

廟貌雖崇煥。簷楹賴鼎新。采山親

御蹕。分帑出

楓宸。日耀丹黃色。雲開殿廡春。几筵瞻拜處。長此重明禋。其七

神功開朔漠。啣

命紀豐碑。耀武包戈甲。崇儒尚鼓吹。雙鈞金管出。聯搨

赤文貽。檜影遙分彩。光同日月垂。其八

德意何周溥。

絲綸次第開。魯鄒崇廟祀。濂洛廣滋培。寶翰榮三錫。鴻

文重八埒。承

恩巍闕下。元首咏康哉。其九

盛事欣初遇。還憑歌敘留。一編昭史冊。萬載炳皇猷。拜舞欽堯典。文明啟禹疇。頌颺靡有罄。天地與同

流。其十

近體五言排律一首

翰林院檢討臣阿爾賽鑲藍旗人

廣運同文治。昭回至德敷。時亨

皇極建。道在素王扶。岱嶽尊河洛。尼山滙泗洙。

九重頒典冊。百世仰師儒。鄒魯沿三代。絃歌被一隅。

翠華勤拜訪。闕里煥規模。詩禮觀瞻肅。金絲氣象都。講

經隆聖學。讀易應乾符。入室臯夔相。升堂游夏

徒。

天章飛玉屑。

御墨散金鋪。博士褒嘉數。文宣禮遇殊。

詔留芝蓋出。

恩與杏壇俱。拓地加增壝。蠲糧等復租。靈著堪揲卦。古

楷亦成圖。紀頌紛珠玉。賡颺協典謨。大成如可

作。一德

主臣孚。

近體七言律四首

翰林院庶吉士臣高其偉鑲白旗人

隆儀肇舉出承明。闕里欣看

彩仗迎。奎壁星高環

翠輦松楸路迴駐霓旌。風和宛宛華鐘動。日麗遙遙玉磬鳴。

師表萬年殷薦盛。頌揚莫罄魯諸生。其一

犧象雲雷列上台。翠微深處講筵開。祥烟散彩盤旋護。

鹵簿飄香拜獻來。碑峙千尋文燦爛。墻推萬仞日昭回。龍翔鳳翥璇題永。先後同欽

大聖才。其二

萬國昇平樂凱旋。歌功

聖廟湛恩偏。琅函特並兼金賜。文綺還同華袞傳。電

鉞親揮欽

武德。園橋沛澤仰

堯天。杏壇式薦馨香日。繡繳留輝耀豆籩。其三

帝子遙臨精意通。函香肅穆鳳城東。神馳泗水音容

近。道奉尼山禮秩崇。恍聽金絲傳古壁。頻瞻俎

豆敞齋宮。心源會得羣賢接。恩遇欣沾此日同。

其四

近體五言排律一首
翰林院庶吉士臣 耿古德 鑲紅旗人

盛典東巡舉。寰區頌我

皇。斯文昭炳煜。吾道接光昌。奧義探洙泗。隆儀邁漢唐。

鳴鑾停闕里。

駐輦過平鄉。魯壁尋遺宅。緇帷訪講堂。音容留往蹟。

草木覩餘芳。恍若羹墻接。彌生俎豆光。

御爐烟縹緲。仙樂韻鏗鏘。

萬乘躬為屈。千秋德倍彰。

宸章垂典誥。

睿製叶笙簧。已覺雲霞麗。還流翰墨香。

金書丹壁煥。

綠字鳳鸞翔。

天語從容問。臣詞仔細詳。推恩皆子姓。陪列盡冠裳。優

厚原田賜。綿延帶礪長。

龍顏瞻有喜。

聖澤溥無疆。懽悅盈陬滋。聲名遍校庠。崇儒推

哲后。典學茂前王。棫樸人文盛。詩書士氣揚。所欣逢景

運。六合慶時康。

近體五言排律一首

翰林院庶吉士臣

伊

太鑲白旗人

東幸恩膏溥。西清紀載詳。禮因

天子議。道賴

聖人昌。居仰尼山近。源承泗水長。文明開魯國。儒術得

周行。

翠輦乘時動。朱旗映日颺。廻翔瞻入室。誠恪儼循墻。
牲幣陳重席。蘋蘩薦

御香。爵隆三獻禮。樂奏九成章。器用頒

天府。工歌叶太常。百司陪俎豆。四氏効趨跄。鉅典何

巍煥。高文更喬皇。

龍章垂碧落。

鳳藻灑穹蒼。葺宇

絲綸重。題碑翰墨光。喬林看檜楷。古壁聽笙簧。講藝微

言晰。推

恩異數章。貂裘蒙

寵賚。羽葆覩輝煌。

駐蹕留餘眷。編蒲志不忘。石渠勤筆札。金匱永珍藏。

頌祝盈閭里。都俞在

廟堂。中天文運盛。泰岱共無疆。

近體五言排律一首

翰林院庶吉士臣 楊萬程 正黃旗人

帝教隆儒術。時巡肅禮門。鳳麟輝聖域。奎壁印心源。陳

俎馨香遠。升堂律度溫。欽崇留寶蓋。幃覆象乾

元。治接唐虞統。躬持道德籓。檜林開

輦路。著草獻仙根。美奐流丹雘。飛甍耀紫垣。仁耕優

錫土。天爵重褒言。

八旗通志 卷七十四 九
睿藻金聲。穹碑玉篆存。蕩平昭協贊。樂育履安敦。體
極三才備。儀超百代尊。文光凌泰岱。景運叶羲
軒。

近體五言排律一首

翰林院庶吉士臣阿進泰正紅旗人

皇巡超萬古。

聖祀肅千秋。泰岱飛

鸞輅。宮墻降冕旒。上辛崇俎豆。二月覲諸侯。闕里青
旗繞。東山紫氣浮。太常馳綵幣。胄子挾鳴球。典
視唐宗盛。儀從漢代優。雍雍百官富。肅肅兩楹
鏤。步輦瞻雲峻。齋宮望殿幽。升堂

親九拜。入廟獻三酬。講席奎文敞。經聲魯壁蒐。

宸章輝玉牒。

御藻勒銀鈎。後殿

龍車轉。前林

鳳羽遊。異著仙露入。神草瑞雲收。手檜供題咏。香泉
味冥搜。蠲租眉耆渥。頒爵耳孫周。博士添經術。
旗門護檟楸。貂裘頻賜賚。黃蓋命藏留。北闕廻
輿日。西山匠石鏤。穹碑標曲阜。大冊煥神州。

特遣虞衡使。還將棟宇修。朱提

頒內府。丹楨煥雲樓。重道書無匹。尊師史莫儔。江山宣

禮樂。河嶽仰懷柔。恭頌

神堯德。長同泗水流。

近體五言排律一首

翰林院庶吉士臣

董

泰

鑲黃旗人

春滿尼山路。

天臨曲阜城。愛民勤省問。重道啟文明。泰岱祥雲遶。東

蒙瑞靄迎。古書求彖繫。大樂訪咸英。圭璧傳先

蹟。宮墻愜

聖情。緇帷來鳳蓋。

翠輦駐鸞聲。曲有潛魚聽。圖因寶馬呈。杏壇增氣象。

泗水毓華菁。

玉榜垂三殿。

金題壯兩楹。大臣監匠石。

帝子上粢盛。至治隆師範。

綸言闡道精。小臣恭紀載。稽古樂光榮。

近體五言排律一首

翰林院庶吉士臣

王士鈞

鑲藍旗人

天閭開鼎命。岱嶽拱

乾陽。峻德彰巍煥。崇文著喬皇。薪傳抽錦秘。斗極燦

龍章。道統苞前喆。心源印素王。

禁扃凝眷眷。

鑾輅動鏘鏘。

八旗通志卷十四
蹕駐東山迥。

恩流泗水長。鳥迎

仙仗轉。草傍

翠華香。

特典明禋懋。

皇儀秩祀莊。雷尊親泣鬯。雲幣覲升堂。裊裊縈香篆。輝

輝麗燭光。笙鏞盈碧宇。

綸綍肆圭璋。爰啟琉璃匣。平移玳瑁牀。一言昭闡繹。四

字罄揄揚。璀璨璇題耀。飛騰奎壁翔。土田恢嗣

續。散秩益冠裳。曲蓋先師軾。

宸書壽母坊。蠲租敷浩蕩。

賜帑湛汪洋。魯道闕新碣。周行暨遠疆。元公推錫後。子

姓復揚芳。典禮超前漢。規模陋盛唐。史臣難贊

頌。文治樂賡颺。怯劇賈生壘。恭循考父墻。瞻霄

忻異數。依日愛非常。幸際休明代。傾葵奉

聖皇。

近體五言排律一首

翰林院庶吉士臣

才

住鑲白旗人

閭闔垂衣日。寰區擊壤時。東巡依舜典。時邁咏周詩。

鑾輅乘春發。霓旌拂曙馳。岱宗瞻峻極。魯殿訪陳基。

爰

幸宣尼宅。先臨闕里祠。省牲新薦享。釋奠舊威儀。玉帛
陳庭實。笙竽奏樂詞。祥薰飄柱拱。明燎映罍恩。
興俯將

宸敬尊崇仰帝師。心源誠默契。道統繼聞知。

鴻筆題銀榜。龍光照玉墀。片辭該已盡。萬世語非私。挺
幹孤生檜。叢莖瑞應著。上公膺

寵錫。舉族被榮施。賜酺歡心洽。蠲租惠澤隨。金錢中禁
出。文綺尚方貽。

召對諸生俊。恩加好爵縻。廟堂留曲蓋。壽母表華棖。已
荷

皇慈極。重看

睿藻披。千言揮韻賦。五字麗穹碑。重道能如此。斯文儼
在茲。史官詳紀載。簡冊待昭垂。媿少班張筆。難
將雅頌爲。右文成

聖治。何幸遇昌期。

古體七言詩一首 謹序

工部都水清吏
司員外郎臣 卞永式 鑲紅
旗人

聖駕東巡。親謁

先師於闕里。越二年。奉

勅賚

御製碑文復往

聖廟建碑刻石欣逢

盛典恭紀一章

巍巍堯德不可名。天地得一皆清寧。橐弓戩矢
武功定。手揭四海開文明。圖書龍馬凌波至。

玉輅東巡輯五瑞。廻

蹕親登闕里堂。道源直濬通洙泗。淋漓

睿藻何煌煌。日星炳曜飛天章。龍拏鳳翥灑

宸翰。登三咸五超前王。自媿不才同楫棘。口啣尺一來

鳧嶧。不刻之杲頌德碑。獨攜星渚支機石。河伯

效順屏翳趨。衛河十日長風吹。百尺磨崖切雲

漢。千鈞厚載連坤維。金椎鐵畫工倕手。靈鼈鼉

屬蟠蚪蚪。繼往開來魯素王。長與穹碑同不朽。

憶昔弱冠登王衢。委蛇出入承明廬。曉日濡毫

立螭陛。秋風侍獵隨鸞旟。何緣盛典還躬遇。

帝德師模兩昭布。東山嗟峨泰岱高。億萬斯年綿

聖祚。

